



ქალაქ ფოთის მუნიციპალიტეტის საკრებულო

განკარგულება № 13/47

2020 წლის 30 ივნისი

ქალაქი ფოთი

შეზღუდული პასუხისმგებლობის საზოგადოება „ფოთის სატრანსპორტო კომპანიის“
დაფუძნებაზე თანხმობის მიცემის შესახებ

საქართველოს ორგანული კანონის „ადგილობრივი თვითმმართველობის კოდექსის“ 54-ე მუხლის პირველი პუნქტის „დ“ ქვეპუნქტის „დ.ბ“ ქვეპუნქტის, 106¹ მუხლის პირველი, მე-4 და მე-5 პუნქტების, მე-16 მუხლის მე-2 პუნქტის „ლ“ ქვეპუნქტის „ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბერის №21/56 დადგენილებით დამტკიცებული საკრებულოს რეგლამენტის მე-3 მუხლის მე-7 პუნქტის „ვ“ ქვეპუნქტის შესაბამისად,

მუხლი 1.

მიეცეს თანხმობა ქალაქ ფოთის მუნიციპალიტეტის მერს, შეზღუდული პასუხისმგებლობის საზოგადოება „ფოთის სატრანსპორტო კომპანიის“ დაფუძნებაზე.

მუხლი 2.

ქალაქ ფოთის მუნიციპალიტეტის მერმა, საკრებულოს განკარგულების პირველი მუხლის შესრულებასთან დაკავშირებით განახორციელოს საქართველოს კანონმდებლობით დადგენილი ღონისძიებები.

მუხლი 3.

საქართველოს კანონმდებლობის მოთხოვნების დაცვით, ქალაქ ფოთის მუნიციპალიტეტის მერმა დაამტკიცოს შეზღუდული პასუხისმგებლობის საზოგადოება „ფოთის სატრანსპორტო კომპანიის“ წესდება.

მუხლი 4.

ქალაქ ფოთის მუნიციპალიტეტის ტერიტორიაზე ავტოსატრანსპორტო საშუალებების პარკირების საერთო ადგილების, პარკირების მოწყობის, პარკირების ადგილებით სარგებლობისათვის საფასურის და საფასურის გადახდის წესის განსაზღვრა განხორციელდეს ქალაქ ფოთის მუნიციპალიტეტის საკრებულოს სამართლებრივი აქტით.

მუხლი 5.

განკარგულება ძალაშია 2020 წლის 30 ივნისიდან.

მუხლი 6.

განკარგულება შეიძლება გასაჩივრდეს მისი კანონმდებლობით გათვალისწინებული წესით გაცნობის დღიდან ერთი თვის ვადაში, ფოთის საქალაქო სასამართლოში (მისამართი; ქალაქ ფოთის მუნიციპალიტეტი, დავით აღმაშენებლის ქუჩა №3).



საკრებულოს თავმჯდომარე

ბექა ვაჟარაძე